

ბეჭდვისთვის გამოსაყენებელი სხვა საშუალებების შესყიდვა



სატენდერო დოკუმენტაცია

CPV 22500000

წინამდებარე დოკუმენტაცია შედგენილია 2011 წლის 07 აპრილის სახელმწიფო შესყიდვების სააგენტოს თავმჯდომარის № 9 ბრძანებით დამტკიცებული, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე.

თარიღი 09.06.2014

ქ. თბილისი

სარჩევი

- [1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად](#)
- [2. ტექნიკური დავალება](#)
- [3. სახელმწიფო შესყიდვების შესახებ ხელშეკრულების პროექტი](#)
- [4. აფიდავიტის საილუსტრაციო ფორმა](#)

ინსტრუქტაჟი

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).
- 1.2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7. პრეტენდენტს არა აქვს უფლება წარმოადგინოს ალტერნატიული წინადადება.
- 1.8. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მისამართი: თბილისი, ი.აბაშიძის ქ. 68, I სართული. საკონტაქტო პირი: გურამ ფაღავა ტელ: 2 94 16 45; მობ: 599 99 08 04 ელ.ფოსტა: gphaghava@justice.gov.ge
- 1.9. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართში. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

ტექნიკური დავალება

პრეტენდენტმა უნდა წარმოადგინოს:

1. პრეტენდენტი უნდა იყოს შემოთავაზებული საბეჭდი ფირის მწარმოებელი ბრენდის პარტნიორი ან წარმომადგენელი ან დილერი საქართველოში.
2. პრეტენდენტის მიერ ატვირთულ უნდა იქნეს მისი რეკვიზიტები სრულად.
3. ანგარიშსწორება განხორციელდება მიღება-ჩაბარების აქტის გაფორმებიდან 30 კალენდარული დღის განმავლობაში. წინასწარი ანგარიშსწორების პირობები არ განიხილება.
4. პრეტენდენტმა უნდა წარმოადგინოს სისტემის მეშვეობით ფასების ცხრილი.
5. საქონლის მიწოდება უნდა განხორციელდეს ხელშეკრულების დადებიდან 2 სამუშაო დღის ვადაში.
6. საქონლის მიწოდება უნდა განხორციელდეს შემდეგ მისამართზე: ქ. თბილისი, ი.აბაშიძის ქ.68
7. პრეტენდენტის ტექნიკური დოკუმენტაცია უნდა შეიცავდეს მისაწოდებელი საქონლის განფასებას. სატენდერო წინადადების ღირებულება უნდა მოიცავდეს ამ ტენდერით გათვალისწინებული საქონლის მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

მისაწოდებელი საქონლის აღწერილობა:

საბეჭდი დანადგარი RIZO EZ 370E-სთვის საბეჭდი ფირი 7 (შვიდი) ერთეული. (ხარისხი უნდა შეესაბამებოდეს საერთაშორისოდ აღიარებულ სტანდარტებს)

ძირითადი მახასიათებლები:

- A3 განზომილება რულონი. ერთ რულონში არანაკლებ 210 კადრი A3
- თითო კადრიდან არანაკლებ 4000 ხარისხის დაკარგვის გარეშე ანაბეჭდი A3 .
- თითო კადრიდან არანაკლებ 40 000 ხარისხის დაკარგვით ანაბეჭდი A3 .
- ანაბეჭდის სიმკვრივე და ბეჭდვის ხარისხი უნდა შეესაბამებოდეს გამომშვები კომპანიის სტანდარტებს.
- ფირის შენახვის ვადა 3 წელი.

სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

SPA-----

ქ. თბილისი

----- 2014 წ.

ერთის მხრივ ს.ს.ი.პ. „საქართველოს საკანონმდებლო მაცნე“, შემდგომში – „შემსყიდველი“, წარმოდგენილი მისი თავმჯდომარის მოვალეობის შემსრულებლის გიორგი პატარიძის სახით და მეორე მხრივ -----, შემდგომში – „მიმწოდებელი“, წარმოდგენილი მისი დირექტორის ----- სახით წინამდებარე ხელშეკრულების საფუძველზე თანხმდებიან შემდეგზე.

მუხლი 1. ხელშეკრულებაში გამოყენებულ ტერმინებს აქვთ შემდეგი

მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) „სახელმწიფო შესყიდვების შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ – „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;

1.4. ხელშეკრულების ღირებულება ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

მუხლი 2. ხელშეკრულების საგანი

2.1 „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის შესაბამისად შემსყიდველმა გააფორმა ხელშეკრულება მიმწოდებელთან გამარტივებული ელექტრონული ტენდერის საშუალებით.

2.2 წინამდებარე ხელშეკრულების საფუძველზე განხორციელდეს საქართველოს საკანონმდებლო მაცნესათვის ----- შესყიდვა.

2.3 კლასიფიკატორის შესაბამისი კოდი -----.

მუხლი 3. ხელშეკრულების ჯამური ღირებულება

3.1 შესყიდვის საერთო ღირებულება შეადგენს ----- (-----) ლარს, საქართველოს კანონმდებლობით გათვალისწინებული ყველა გადასახადის გათვალისწინებით.

3.2 ერთეულის ფასი ----- ლარი.

მუხლი 4. მომსახურების შესაბამისობა

4.1 ხელშეკრულების მეორე მუხლით გათვალისწინებული შესყიდვა უნდა შეესაბამებოდეს მსგავსი შესყიდვებისათვის უკვე არსებულ სტანდარტებსა და შემსყიდველი ორგანიზაციის მოთხოვნებს.

4.2 ხელშეკრულებაში აღნიშნული ნებისმიერ გადახვევის შემთხვევაში შემსყიდველი უფლებამოსილია არ მიიღოს მომსახურება ან მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული პასუხისმგებლობის ზომები.

4.3 შემსყიდველია არ არის ვალდებული სრულად აითვისოს ხელშეკრულებით გათვალისწინებული ობიექტები.

მუხლი 5. მომსახურების მიწოდების პირობები

- 5.1 შესყიდვის გაწევა განხორციელდება შემსყიდველის მოთხოვნის შესაბამისად, ხელშეკრულების მოქმედების განმავლობაში.
- 5.2. შემსყიდველი ორგანიზაცია ყოველი კონკრეტული შესყიდვის დროს მიწოდებული პროდუქციის ღირებულების შესაბამისად მიმწოდებელთან მიწოდებულ საქონელზე (მომსახურებაზე) აფორმებს მიღება ჩაბარების აქტს. ამასთან, შემსყიდველი არ არის ვალდებული სრულად აითვისოს (მოითხოვოს) ხელშეკრულებით გათვალისწინებული შესყიდვის ობიექტი.

მუხლი 6. ანგარიშწორების პირობები

- 6.1. ანგარიშსწორება მხარეთა შორის ხორციელდება უნაღდო ანგარიშწორების წესით, მიღება-ჩაბარების აქტის გაფორმებიდან 30 (ოცდაათი) კალენდარული დღის ვადაში.
- 6.2 მხარეთა შორის ანგარიშსწორება წარმოებს ლარებში.

მუხლი 7. მხარეთა უფლებები და ვალდებულებები

7.1. შემსყიდველი კისრულობს ვალდებულებას:

7.1.1 დროულად აანაზღაუროს მოწოდებული პროდუქციის ღირებულება.

7.1.2 აწარმოოს მოწოდებული პროდუქციის ხარისხისა და მოცულობის კონტროლი და ხარვეზის აღმოჩენის შემთხვევაში დაუყოვნებლივ მიაწოდოს ინფორმაცია მიმწოდებელს მისი აღმოფხვრის მიზნით.

7.1.3 განაცხადოს უარი უხარისხო პროდუქციის მიღებაზე.

7.2 მიმწოდებელი კისრულობს ვალდებულებას:

7.2.1 "შემსყიდველს" მიაწოდოს ნივთობრივად და უფლებრივად უნაკლო საქონელი ხელშეკრულებით განსაზღვრულ ვადებში.

7.2.2 უზრუნველყოს მიწოდებულ საქონელზე გამოვლენილი დეფექტებისა და ნაკლოვანებების აღმოფხვრა საკუთარი ხარჯებით.

მუხლი 8. მხარეთა პასუხისმგებლობა

8.1. ხელშეკრულებით გათვალისწინებული პირობების დარღვევის შემთხვევაში, როგორც ერთი ასევე მეორე მხარე იხდის პირგასამტეხლოს გადასახდელი თანხის 0,1%-ს ყოველ გადაცილებულ დღეზე.

8.2 საჯარიმო სანქციების გადახდა არ ათავისუფლებს მხარეს ძირითადი ვალდებულებების

შესრულებისაგან.

8.3 მხარე უფლებამოსილია შეწყვიტოს ხელშეკრულება თუ პირგასამტეხლოს ოდენობა მიაღწევს ხელშეკრულების ღირებულების 1 %-ს.

მუხლი 9. ხელშეკრულების ძალაში შესვლა და მოქმედების ვადები

9.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2014 წლის 31 დეკემბრის ჩათვლით.

მუხლი 10. ხელშეკრულების პირობების ინსპექტირება

10.1 `შემსყიდველს` უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი `მიმწოდებლის` მიერ ნაკისრი ვალდებულებების შესრულებაზე. ხელშეკრულებით ნაკისრი ვალდებულებების შესრულების კონტროლს `შემსყიდველის` მხრიდან ახორციელებს უფლებამოსილი პირი, -----, რომელიც არ იმყოფება მიმწოდებელთან ინტერესთა კონფლიქტში -----.

10.2 `მიმწოდებელი` ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 11. სპეციფიკური პირობები

11.1 წინამდებარე ხელშეკრულების მოქმედების ვადის განმავლობაში მხარეები თანხმდებიან, რომ მიმწოდებლის მიერ შემსყიდველისათვის მიწოდებული პროდუქციის საფასური არ შეიცვლება.

11.2 ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე ვალდებულებათა კეთილსინდისიერი შესრულება.

11.3. წინამდებარე ხელშეკრულებით განსაზღვრული პირობების დარღვევით მიყენებული ზიანი ანაზღაურდება საქართველოს მოქმედი კანონმდებლობით გათვალისწინებული წესების შესაბამისად.

მუხლი 12. ფორს-მაჟორი

12.1. წინამდებარე ხელშეკრულებით გათვალისწინებული პასუხისმგებლობა არ დგება დაუძლეველი ძალის მოქმედების შემთხვევაში. მხარეები თავისუფლდებიან პასუხისმგებლობისგან ვალდებულებების სრული და ნაწილობრივი შეუსრულებლობისათვის დაუძლეველი ძალის მოქმედების შემთხვევაში, რომლის

დროსაც შეუძლებელია წინამდებარე ხელშეკრულებით გათვალისწინებული ვალდებულებების შესრულება.

12.2 „დაუძლეველი ძალის“ ქვეშ იგულისხმება გარემოებები (სტიქიური უბედურება, ეპიდემია, საომარი მდგომარეობა და ა.შ), რომლებიც არ არსებობდა წინამდებარე ხელშეკრულების გაფორმების დროს და რომელთა დადგომა და ზემოქმედება მხარეებს არ შეეძლოთ თავიდან აეცილებინათ და გადაელახათ.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების ისეთი ალტერნატიული ხერხები, რომლებიც დამოუკიდებელი იქნებიან ფორსმაჟორული გარემოებების ზეგავლენისაგან.

მუხლი 13. ხელშეკრულების პირობების გადასინჯვა

13.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ.

13.2 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

13.3 ხელშეკრულება შეიძლება შეწყდეს ვადაზე ადრე მხარეთა შეთანხმებით ან მოქმედი კანონმდებლობით გათვალისწინებულ შემთხვევებში.

მუხლი 14. ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა უნდა გაუგზავნოს მეორე მხარეს წერილობით შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

მუხლი 15. დავათა განხილვის წესი

15.1. მხარეები შეეცდებიან ურთიერთმოლაპარაკების საფუძველზე გადაჭრან მათ შორის არსებული ყველა სადაო საკითხი.

15.2. თუ მოლაპარაკების მიუხედავად მხარეებმა ვერ მიაღწიეს შეთანხმებას, ნებისმიერ მხარეს უფლება აქვს დავის გადაწყვეტის მიზნით მიმართოს სასამართლოს.

მუხლი 16. ხელშეკრულების შეწყვეტა და მოშლა

16.1 მხარეებს შეუძლიათ წერილობითი შეთანხმების საფუძველზე შეწყვიტონ ხელშეკრულება.

16.2 მხარეს შეუძლია მეორე მხარისათვის წერილობითი შეტყობინების საფუძველზე მოშალოს ხელშეკრულება, თუ ხელშეკრულების პირობების შესრულებამ აზრი დაკარგა.

16.3. ხელშეკრულების დამდეგი ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული შეწყვეტის შესახებ, რომელიც წერილობით უნდა ეცნობოს მეორე მხარეს.

16.4 ხელშეკრულების შეწყვეტის შემთხვევაში მიმწოდებელი ვალდებულია აუნაზღაუროს შემსყიდველს მიწოდებული პროდუქციის ღირებულება.

16.5. მიმწოდებელს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ მიმწოდებლისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევებში.

მუხლი 17. ზოგადი დებულებები

17.1. არცერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

17.2. ხელშეკრულებაში ცვლილებები და დამატებები შეიძლება შეტანილი იქნეს ორივე მხარის წერილობითი თანხმობით.

17.3. ხელშეკრულება შედგენილია ორ ეგზემპლარად და ორივეს გააჩნია თანაბარი იურიდიული ძალა.

მუხლი 18. მხარეთა რეკვიზიტები

შემსყიდველი: სსიპ „საქართველოს
საკანონმდებლო მაცნე“

ქ. თბილისი, ი.აბაშიძის ქ. №68

ტელ: 2 94 16 45

სს „პრივატბანკი“

ანგარიშსწორების ანგარიში:
GE26TP0034020020000306

ბანკის კოდი: CAVOGE22

საიდენტიფიკაციო კოდი: 203862622

გიორგი პატარიძე

მიმწოდებელი:

ქ. თბილისი, -----

ტელ: -----

სს -----

ბანკის კოდი: -----

საიდენტიფიკაციო კოდი: -----

აფიდავიტის საილუსტრაციო ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღება მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადების დასაყდრად გამოყენებული უნდა იქნას, ან ელემენტარული მოცემული ინფორმაციის არა ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და ჩარეგდები ვსაიტენდერო ჩიხადიდრა;

* ნებისმიერ პირს, რომელსაც ხელმოწერა დაფიქსირებულია სატენდერო წინადადებაზე, შესაძმისად უფლებამოსილია პრეტენდენტი ვიერ;

* ჩემთვის ცნობილია, რომ ტერმინი "კონკურენტი" აფიდავიტის მიზნებიდან გამომდინარე, ვლითხმობს ნებისმიერ პირს, რომელიც შესაძლებელია იყოს პრეტენდენტის ან/და წარმომადგენლის სატენდერო წინადადებაზე მოქმედი;

* მატერიალური გამოჩენია ან უპირატესობის მიღებას მიზნით პრეტენდენტსა და კონკურენტს შორის არ წარმოებულა კონფლიქტი, კორუპცია, ქოჩიხიერა ან მოლაპარაკება მერედ საკონტრაქტო დავამიერი;

- სატენდერო წინადადების თასი;
- სატენდერო წინადადების თასის გამოთვლის მეთოდი, კონფიგურატი ან ფორმულა;
- სატენდერო წინადადების წარდგენა ან წარდგენისგან თვის შეცვება;
- ისეთი სატენდერო წინადადების გარეგან ჩარეგრა, რომელიც არ აკონფორმირება გამოცხადებული ტენდერის პირობებს;
- შესაძლებლობები ვარისხი, მოცულობა, ტენიკურა პირობები ან მინორების დეტალები, რომელთაც ეება სატენდერო წინადადება;

* სატენდერო წინადადება პირობები პრეტენდენტს წინასწარი განმარტებით, პირდაპირ ან არაპირდაპირ, არ გამოეცხადება ან/და არ გამოეცხადება განმარტების სატენდერო წინადადების განმარტების მოქმედებაზე.

ვაფიქსირებ ამ აფიდავიტის მიზნებს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წარმომადგენლის, რომელიც ხელმოწერა, პრეტენდენტის სახელით, სასტენდერო დოკუმენტში მოთხოვნილი ინფორმაციისა და გარემოებების უტყუარობის და სტანდარტულ განმარტებულობით დადგენილი წესით პასუხს აცება აღნაშნული ინფორმაციისა და გარემოებების უტყუარობაზე. აფიდავიტით განსაზღვრული პირობები დარღვევა იწვევს სისხლის-სამართლებრივ პასუხისმგებლობას სატენდერო სისხლის სამართლის კოდექსის 195¹ მუხლით შესაბამისად.